



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Formularium Episcopale**

**Barbosa, Agostinho**

**Coloniae Agrippinae, 1680**

Circa Habendum Concursum Ad Parochiales Ecclesias vacantes.

**urn:nbn:de:hbz:466:1-10456**

Canonicorum, & Capituli prædictorum, ac alterius cuiuscumque præjudicio supportabit, sustinebit, & subibit, ac sustinere sit adstrictus. Volentes nihilominus, & statuentes, ut omnes & singuli utriusque sexus homines dictæ Ecclesiæ novæ subditi, etatem legitimam habentes, qui Sacramento Sanctissimæ Eucharistiae annuatim communicari conふeuerunt, & apti sunt annis singulis, in festo Ascensionis Domini prædictam Matricem Ecclesiam processionaler visitare, & insignium recognitionis singuli unum denarium argenteum ad Altare inibi offerre, & in processionibus aliis ean-

dem Matricem Ecclesiam ad consuetu-  
loca processionem temporibus fieri  
consuetis, associare debeant, & tene-  
antur, Quæ omnia & singula nos Rodericus Archiepiscopus præfatus ex-  
certa scientia, auctoritate nostra Ordinaria, & à Sede Apostoli ex decreto Concilii Trident. delegata, & omnibus melioribus modo, via, jure, causa  
& forma nobis de jure permis-  
sus, statuimus, ordinamus, ac omnibus, quo-  
rum interest, vel intererit, quousque  
præsens tangit negotium, seu tangere  
poterit quomodolibet in futurum in-  
violabiliter observari volumus, & præ-  
cipimus. In quorum fidem &c. Dat. &c

## CIRCA HABENDUM CONCURSUM AD Parochiales Ecclesias vacantes.

**Q**UIA Episcopus statim habita notitia vacationis Parochialis Ecclesie, si opus fuerit, idoneum in Vicarium cum congrua ejus arbitrio fru-  
ctuum portionis assignatione, constituere debet, qui onera ipsius Ec-  
clesie sustineat, donec de Rectore provideatur, ut statuit Concil.  
Trident. sess. 24. de reformat. cap. 18. Ille igitur constituendus erit in hunc qui-  
sequitur modum.

### FORMULA LVI.

*Deputationis Vicarii ad Parochiale-  
m vacante donec de Rectore pro-  
videatur.*

**D**. Rodericus, &c. dilecto nobis in  
CHRISTO Presbytero N. Salu-

tem in Domino. Parochiali Ecclesia S. N. loci N. vacante, ne ob id animæ  
dicti loci in Sacmentorum suscep-  
tione, & cæteris spiritualibus adju-  
mentis detrimentum sentiant, illi de  
Sacerdote providere volentes, qui hæc  
omnia ministret, agatque cognita per  
examen coram nobis ab examinatori-  
bus factum sufficientia tua, te Vica-  
rium

## CIRCA CONCURSUM AD ECCLESIAS VACANTES.

rium ipsius Ecclesiae S. N. constitui-  
mus, & deputamus, cum auctoritate  
Missas, & alia divina officia celebran-  
di, Sacraenta ministrandi, & alias  
Ecclesiasticas functiones obeundi, ad  
quæ tenetur, & quæ animarum quili-  
bet Rector, & administrator præsta-  
re, & obire solet, cum congrua por-  
tione fructuum dictæ Parochialis tibi  
debito tempore assignanda, præsenti-  
bus usque eo duraturis, quo usque de  
perpetuo Rectore à nobis vel à Sede  
Apostol. (si mensis sit Apostolicus)  
provisum fuerit. In quorum testimo-  
nium, &c. Dat, &c.

*Qua Vicarii deputatione facta do-  
nec de Rectore providetur, debet sta-  
tim fieri deputatio alia depositarii, &  
exactoris honorum Ecclesia vacantis in  
hunc qui sequitur modum.*

### FORMULA LVII.

*Litterarum deputationis depositarii, &  
exactoris honorum Ecclesia  
vacantis.*

D<sup>r</sup> Rodericus, &c. Magnifico N. Sa-  
lutem in Domino. Confuevimus  
sapè pro rectatorum Ecclesiasticarum  
administratione, præsertim tempora-  
lium, opera laicorum virorum pru-  
dentia & pietate maximè prælucen-  
tium, in hujusmodi uti, quo rebus Ee-  
clesiasticis commodiùs & tutiùs con-  
sultum fit. Vacante igitur Parochiali  
Ecclesia S. N. loci N. hujus Diœcesis,  
tua prudentia & singulari pietate plu-

rum freti, te in exactorem, & depo-  
sitarium quorumcunque fructuum,  
reddituum, proventuum, & obven-  
tionum ad dictam Parochialem quo-  
modolibet spectantium tam hæc tenus  
perceptorum, & maturatorum, quam  
etiam in futurum similiter maturan-  
dorum, ita ut contra quoscunque pro  
exigendis & consequendis fructibus  
hujusmodi, etiam juris omnibus re-  
mediis, atque aliis modis, & formis,  
prout tibi melius videbatur, cum facul-  
tate etiam ab aliis quibuscunque de-  
positariis rationem reposcendi, agere  
possis, & valeas deputamus, donec a-  
liud per nos superadministratione hu-  
jusmodi exprelè decretum fuerit, nec  
non bona, possessiones, ac jura novis  
colonis locandi, veteresque confir-  
mandi, prout melius expedire censue-  
ris, servatis in his tamen solitis ac debi-  
tis conditionibus, fructusque per te sic  
exactos indepositum habeas, nobis,  
vel cui à nobis injunctum fuerit, ratio-  
nem suo tempore redditurus. In quo-  
rum fidem, &c.

*Porro Episcopus, vel ejus Vicarius ge-  
neralis intra dies decem à die habita  
notitia vacationis Ecclesia, debet con-  
vocare omnes qui se examini per con-  
cursum subiçere voluerint, proposito e-  
dicto ad valvas Cathedralis & vacantis  
Ecclesia, aliquaque publicis locis si vide-  
bitur, hac forma.*

G 2.

FOR-

## FORMULA LVIII.

*Edicti de examine eorum, qui Ecclesia  
Parochiali præficiendi sunt.*

D. Rodericus, &c. Vacante Parochiali Ecclesia sancti N. nostræ diœcesis, cupientes eidem de alieno providere Rectore, atque Sacri Concilii Tridentini decreta pro viribus Deo adjuvante exequi tenore præsentium requirunt, & monemus, primò, secundò, tertio, & peremptoriè omnes, & singulos Presbyteros, & Clericos volentes ad examen per concursum faciendum se præsentare, ac omnes volentes clericos ad id aptos nominare, quatenus infra decem dies proximè futuros à die affixionis præsentis editi computandos, debeant in actis Notarii infra scripti N. nostra Curia describi facere eorum nomina, ætatem & patriam, ut de eorum natalibus, vita, & moribus, ac aliis rebus ad vacantem Ecclesiæ gubernandam opportunis juxta decreta dicti S. Concilii inquire, & transacto constituto tempore examinari possint coram nobis, ac examinatoribus in synodo diœcetana deputatis, ut ex iis, quos confessio examine, ætare, doctrina, prudenter, aliusque rebus ad curæ animarum bene gerendæ rationem opportunitas idoneos esse compertum erit, nos quem cæteris magis idoneum censuerimus, illum Ecclesiæ vacantis Rectorem, Parochumve eligamus, ac præ-

ficiamus. Quod sanè sicut nos pro eo quod debemus integrè sanctèque in Domino præstare cupimus, ita omnes, præcipueque illos quorum Ecclesiæ & Curæ spirituali per nos conscribendum, ac providendum est, magnopere hortanur, ac requirimus, ut hanc nostram solitudinem, pastoraleque studium, omni supplicatione, omniaque intima pietate, ac religiosis precibus continenter adjuvent. In quorum fidem, &c. Dat. &c.

## FORMULA LIX.

*Fidei examinis, & approbationis ad  
Parochiale vacantem.*

D. Rodericus &c. Universis, & singularis ad quos præsentes litteræ pervenerint, indubitatam fidem facimus, & attestamur, quod cum Parochialis Ecclesia sancti N. nostræ Diœcesis, quam Presbyter N. dum vivebat, obtinebat, per ipsius obitum, qui demense N. præsentis anni extra Romanam Curiam diem suum clausit extremum, vacaverit, & vacet ad præsens, cumque occasione vacationis hujusmodi per publica edita vocati sint, qui examinari vellent, juxta formam Sacrosancti Concilii Tridentini. Nos una cum tribus examinatoribus in diœcetana synodo deputatis, & electis, Presbyterum N. hujus diœcetis transacto tempore inter alios plures examinavimus, ipsumque ad præfatam Ecclesiæ regendam, gubernandam, & obti-

obtinendam, moribus, aetate, doctrina, & aliis rebus ad id opportunitatis magis idoneum judicavimus, & approbabimus. In quorum fidem praesentes manu nostra subscriptas & nostro sigillo obsignatas fieri jussimus, & ab aliis examinatoribus subseribi curavimus. Dat. Bracharæ Augustæ &c.

## FORMULA LX.

*Fidei examinis & approbationis in concursu, & electionis ad Parochiam locum in mense Apostolico.*

I<sup>lli</sup>llustrissimo & Reverendissimo Domino S.D.N. Datario, & qui-  
buscunque praesentes litteras inspe-  
cturis, lecturis, seu visuris significa-  
mus, vacante nuper de mense N.  
proxime præterito Parochiali Ecclesia,  
Abbatia nuncupata, sub invocatione  
sancti N. loci N. hujus Bracharen sis  
Diœcesis per obitum N. fuisse per Cu-  
riam nostram mediantibus edictali-  
bus juxta formam & præscriptum S.  
Concilii Tridentini, & constitutionis  
felicis record. Pii Papæ V. vocatos  
omnes de sic vacante Ecclesia provi-  
deri volentes, quatenus intra terminum  
decem dierum compararent in  
eadem Curia ad faciendum describi,  
& annotati nomina ipsorum, & cum  
in eodem termino multi comparueris-  
sent, tandem iisdem descriptis legitime  
vocatis & citatis sub die 15. præ-  
sentis mensis coram nobis riguroso  
prævio examine per tres examinato-

res in Diœcesana synodo deputatos  
factam fuisse experientiam de scientia  
& sufficientia singulorum descripto-  
rum, ac demum servatis de jure ser-  
vandis per dictos tres examinatores  
fuisse repertum, habitum, & existima-  
tum idoneum vita moribus, aetate,  
scientia, & aliis à jure requisitis ad ob-  
tinendam à Sede Apost. dictam Paro-  
chiale Ecclesiam N. Sacerdotem lo-  
ci N. hujus Diœcesis, & tanquam  
habilem & idoneum approbatum, &  
successive à nobis post examen, & ap-  
probationem prædictam, fuisse magis  
idoneum reputatum & judicatum, &  
ut tales pro obtinenda dicta Paro-  
chiali Sedi Apostolicæ proponendum  
& approbandum, prout proponimus,  
& approbamus (*declaretur hic an alia  
obtineat beneficia.*) In quorum siem  
praesentes literas subscriptione & sigillo  
nostris munitas fieri jussimus. Dat.  
Bracharæ Augustæ &c.

*In beneficio de jure patronatus sit à  
patrono presentatio intra tempus à jure  
statutum, coram Episcopo de persona  
in tali beneficio servatis servandis ab  
eo instituenda. Episcopus vero genera-  
liter in vacanti Ecclesia, & aliis locis  
publicis edita publicè proponi jubet,  
ut qui sint, qui se velint opponere, com-  
pareant, assignato peremptorio termino  
competente, ut jure probatur, in c. ult.  
de elect. lib. 6. quod in presentatione  
locum habere, nisi consuetudo sit in con-  
trarium, tradunt. gloss. ibi verb. elec-  
tionem. Pute decis. 297. lib. 1. & de-  
cis. 433. lib. 2. in correctis. letter. de re  
benef. lib. 2. q. 13. num. 30.*

## FORMULA LXI.

*Edicti affigendi facta coram Episcopo  
presentacione de beneficio juris-  
patronatus.*

D. Rodericus &c. Universis, & singulis hoc praesens edictum inspecturis, visuris, & audituris pariter, & lecturis, salute in Domino. Nuper vacante Parochiali Ecclesia S. N. per obitum N. ultimi, & immediati Rectoris ejusdem, comparuit coram nobis N. laicus nobilis Bracharensis, asserens se patronum, & habere jus patronatus, seu esse in quasi possessione ipsius, & juris presentandi Rectorem ad dictam Ecclesiam cum illam vacare contigerit; & sic presentavit nobis in Rectorem R. N. petens illum a nobis institui. Nos dictam presentationem sic coram nobis factam de dicto R. N. infra tempus a jure patronis laicis datum ad presentandum de predictis veram notitiam non habentes admittimus, si & in quantum. Quare tenore presentis nostri dicti requirimus, & monemus omnes & singulos aliquod jus ut presentantes, vel ut presentati pretendentes, in predictis vel contra dictam presentationem & personam presentantis, seu presentati, opponere volentes, & quomodolibet sua interesse putantes, quatenus infra terminum novem dierum, quorum tres pro primo, tres secundo, & reliquos tres pro tertio, & ultimo peremptorio

termino eis, & cuilibet ipsorum assignavimus, comparere debeant coram nobis ad dicendum opponendum, & allegandum quidquid dicere, oppondere, vel allegare voluerint, quarenon debeat procedi ad petitam institutionem, vigore dictæ presentationis coram nobis facta: alioquin dicto termino elapso, & aliquo non comparente, & legitimè se non opponente procedetur per nos juribus presentantis, & presentati valentibus, & ipsius presentati ineritis requirentibus ad ejus institutionem, prout juris fuerit, non obstante, quod de tempore dato ad presentandum supersit, ut de praemissis nullus ignorantiam allegare possit, hoc praesens publicum, & generale editum per infrascriptum Cameræ nostræ notarium describi fecimus, & sigillo nostro munivimus, & per nuntium nostræ Curie ad valvas Ecclesiæ Metropolitanæ Bracharensis, & dictæ Ecclesiæ sancti N. legi, affigi, & dimitti fecimus, a nemine auferendum sub excommunicationis pena, nisi per eundem nostrum nuntium. Dat. Brachare Augustæ in Archiepiscopali Palatio, die... Mens... Ann.

## FORMULA LXII.

*Institutionis Ecclesiæ Parochialis de jure patronatus.*


D. Rodericus &c. Universis & singulis has praesentes nostras institutionis literas inspecturis, visuris, & lecturis,

sturis, tam præsentibus, quā futuris sa-  
lute in Domino. Notū facimus & atte-  
stamur, quod vacante Parochiali Eccle-  
sia S. N. loci N. hujus nostræ diœcesis  
per obitum N. illius dum viveret ulti-  
mini & immediati possessoris, quæ de-  
jure patronatus infra scripti patroni lai-  
ci existit. Comparens postmodum co-  
ram nobis, & in nostra Curia N. cle-  
ricus... afferens, se fuisse præsentatum  
à Patrono dictæ Parochialis & juspa-  
tronatus in ea habente, & existente in  
pacifica possessione, seu quasi præsen-  
tandi Rectorem, sive Rectores in ea-  
dem Parochiali toties quoties casus  
vacationis occurserit, petens à nobis,  
ordinario jure institui & confirmari in:  
Rectorem dictæ Parochialis cum ejus:  
honoribus & oneribus solitis, & con-  
suetis: & volentes in præmissis mature  
procedere, quoddam generale edi-  
ctum ad instantiam prædicti N. expe-  
diri, & ad valvas Ecclesiæ nostræ Ca-  
thedralis, & dictæ Parochialis affigi,  
legi, & dimitti iussimus, per quod ci-  
tari & moneri fecimus omnes, & singu-  
las personas sua quomoddlibet inter-  
esse putantes, quatenus infra terminum  
certum, & competentem, in eodem  
edicto præfixum compare debuissent  
coram nobis, & in dictâ nostra  
Curia, ad dicendum, opponendum,  
& allegandum quidquid voluissent  
contra personam præsentatam,  
quam præsentantes, quare dicta insti-  
tutio fieri non debuisset. Quo edicto  
affixo, & postmodum elevato, accusa-  
tique debitum contumaciis, & quia ex-

quibusdam scripturis, & aliis juribus  
productis, & præsentatis, existenti-  
bus penes infra scriptum actuariū cla-  
rè constitutis, & constat, de vacatione,  
& præsentatione prædictis, & quod  
N... præsentans fuit, erat, & est verus  
ejusdem Parochialis Patronus, & ex-  
istere in pacifica possessione, seu quasi  
juris patronatus, & præsentandi in Re-  
ctorem. Idecirco eundem R. N. per ex-  
aminatores in synodo diœcésana de-  
putatos examinatum, & approba-  
tum, tanquam habilem, idoneum, &  
sufficientem, & instituendum, & con-  
firmandum duximus, prout ipsum te-  
nore præsentium instituimus & confir-  
mamus, de illaque te coram nobis  
propter hoc flexis genibus humiliter  
constitutum, & acceptantem per bireti  
capiti tuo impositionem investimus.  
Quocirca universis, & singulis perso-  
nis Ecclesiasticis, notariisque ac tabel-  
lionibus publicis Civitatis ac diœcesis  
nostræ, in virtute sanctæ obedientiaz, ac  
sub pœnis & censuris contra inobe-  
dientes superiorum mandatis à jure  
infictis, & arbitrio nostro infligendis,  
per præsentes præcipimus, & manda-  
mus, ut cum pro parte tua vigore præ-  
sentium requisiti fuerint, vel eorum ali-  
quis requisitus fuerit, ad ipsam Paro-  
chiale Ecclesiam præfati loci acce-  
dant, teque vel Procuratorem tuum  
prote in corporalem, realem, & actua-  
lem possessionem prædictæ Parochialis  
Ecclesiæ, ac omnium illi forsitanne-  
xorum jurium, ac pertinentium præ-  
dictorum servatis servandis, inducent  
auctoritate nostra, & defendant in-  
ductum.

ductum, a mōto exinde quolibet illicito detentore, quem nos etiam harum serie a novemus, & denunciamus amo-  
tum. Fictalibus verò, colonis, & aliis  
arendatariis, de prædicta Parochialis Ecclesiae, a omnium illi annexorum,  
juriū quæ & pertinentiarum prædi-  
tarum fructibus, redditibus, proven-  
tibus, juribus, & obventionibus uni-  
versis, tibi, vel procuratori tuo legitimè  
debito tempore respondeant, atque ab  
aliis, quantum in se fuerit, responderi  
faciant (*Er si contigerit eum cui de  
beneficio providetur, aliud incompa-*

*tibile obtinere, addatur*) volumus au-  
tem ac præsentium tenore declaramus,  
per hujusmodi Parochialis pacifice  
possessionis adeptionem, alteram Pa-  
rochiale Ecclesiam loci N. vel Ca-  
nonicatum, ac Præbendam, quos ob-  
tines in Cathedrali Ecclesie N. eo ipso  
vacare &c. In quorum fidem præsen-  
tes manu nostra signatas, & per infra-  
scriptum Cameræ Archiepiscopalis  
notarium subscriptas, sigillique nostri  
appensione munitas fieri jussimus.  
Dat. Bracharæ Augustæ &c.



## CIRCA VARIAS BENEFICIORUM Collationes.

---

### FORMULA LXIII.

*Litterarum collationis Ecclesia  
Parochialis.*

D. Rodericus &c. Dilecto nobis in  
CHRISTO N. Presbytero Bracharen-  
si salutem in Domino. Inter cæ-  
tera quæ pro Pastoralis nostri officii  
debito præstare cupimus, illud præci-  
pue nobis cordi est, ut Parochialibus  
Ecclesiis, quibus de Rectoribus per  
nos providendum est, tales præficiam-  
us, qui officio & ministerio curæ ani-  
marum, quod omnium gravissimum  
est, laudabiliter satisfaciant. Vacante

igitur nuper de mense Februarii proxi-  
mè præterito nobis alternativæ benefi-  
cio gaudentibus Parochiali Ecclesia,  
Abbatia nuncupata sub invocatione S.  
N. oppidi N. hujus Bracharensis diœ-  
cesis per obitum N. illius dum viveret  
ultimi possessoris, fuerunt per Curiam  
nostram mediantibus, edictalibus jux-  
ta formam & prescriptum Conc. Tri-  
dent. & Constitutionis felicis record.  
Pii Papæ V. vocati omnes de sive vacan-  
te Ecclesia provideri volentes, qua-  
tenus intra terminum decem dierum  
comparerent in eadem Curia ad fa-  
ciendum describi, & annotari nomina  
ipsorum, & cum in eodem termino  
multi comparuissent, tandem iisdem  
descri-